

Niueqatigiinnermi piumasaqaatit nalinginnaasut – sullitat suliffiutillit – atuutilerfigalugu 01.01.2019.

Niueqatigiinnermi piumasaqaatit nalinginnaasut GrønlandsBANKEN'ip aamma illit akornissinni pisussaaffinnut sunulluunniit atuupput, makku pillugit erseqqilluinnartumik allanik isumaqatigiissusiortoqarsimangippat; soorlu uninngasuutit pillugit isumaqatigiissut, taarsigassarsinerit pillugit isumaqatigiissut (akiitsorsinnaanermut isumaqatigiissut), toqqorsimatitsinermi piumasaqaatit, Dankort pillugit malittarisassat imaluunniit boksit pillugit piumasaqaatit imaluunniit piumasaqaatit immikkut ittut allat.

1. Sullitatut ilanngunnermi pissutsit

GrønlandsBANKEN'imi sullinneqaleruit nalunaarutigissavatit ateq, najugaq aamma inuup normua imaluunniit suliffeqarfiup normua (CPR-/GER-/CVR-nr.). Pas-i takutissavat imaluunniit uppenarsaat alla CPR-/GER-/CVR-nr. naqereersimasoq takussutissarsillugu.

2. Illit pillutit paasissutissanik pissarsiorneq suliarinninnerlu

Inuit aamma suliffeqarfik pillugu paasissutissanik pissarsiorneq atuinerlu

Sullitassanik nutaanik pilersitsineqaraangat GrønlandsBANKEN paasissutissanik pissarsiortarpoq, soorlu ilaatigut ateq, najugaq aamma CPR-/GER-/CVR-nr., sullississutinik sunulluunniit aningaasarsionikkut neqeroorutissanik atugassanik, tamakkununnga ilaallutik sullitanik siunnersuineq, sullitanik isumassuineq, sullitanik allaffissornikkut isumaginnineq, akiitsorsinnaassuseqanermik naliliineq kiisalu niueqatigiinnermi siuarsaaneq.

Akiliisarnernik sullissinermi atugassanik, soorlu akiitsorsinnaanermut akiliisinnaanermullu uppenarsaatinik atuineq, netbank il.il. paasissutissat pisiniarfinit, aningaaserivinnit allanillu pissarsiarineqartarput. Paasissutissat tamakku pissarsiariniarneranni taamaallaat atorneqartarput GrønlandsBANKEN eqqortunik akiliisarnissaanut kiisalu kontot assilinerinik suliarinninnernut, akiliisimanernut takussutissanik suliarinninnernut assigisaannullu.

Taamattaaq GrønlandsBANKEN ilaatigut Qitiusumik Inunnik Allattorsimaffimmut paasissutissanik pissarsiortarpoq (ilaatigut najugaq pillugu paasissutissanik nutarterinissat siunertaralugit), Inuussutissarsitutit selskabinillu Nakkutilliisoqarfimmit pisortallu paasissutissanik nalunaarsukkanillu suliarinnittarfiinit allanit. Akiliisinnaassuseqarneq pillugu naliliinissamut atatillugu taarsigassarsisitsisarfinni paasissutissiisarfinit kiisalu mianersoqqusisarnerni nalunaarsuisarfinnut GrønlandsBANKEN paasissutissanik pissarsiortarpoq. Grønlandsbankenip aamma malugeqquaa CPR-inik nalunaarsuisarfimmit kiisalu taarsigassarsisitsisarfinni paasissutissiisarfinit kiisalu mianersoqqusisarnerni nalunaarsuisarfinit Datatilsynet-imit akuerisaasunit paasissutissat ingerlaavartumik nutarternissaat siunertaralugu paasissutissanik pissarsiniartarmat, (ilaatigut Kreditvagten aamma Aktiv Kreditsikring-imit). Paasissutissat suminganniit pissarsiarineqarsimasut pillugit Grønlandsbankenimut qaqugukkulluunniit saaffiginissinnaavutit.

Nammineq aalajangissavat paasissutissat kissaatigineqartut Grønlandsbankenimut tunniukkusunnerlugit, paasissutissalli pisariaqarput Grønlandsbankenip pitsaasumik isumannaatsumillu siunnersorneqarnissannut kiisalu taarsigassarsinissat pillugit apeqquteqarninni imaluunniit allatigut sullinnissannut pisariaqarlutik.

Nipangiussisimasussaataaneq

Pissutsinik ilinnut tunngasunik Grønlandsbankenimi sulisut nipangiussisimasussaataapput, Grønlandsbankenimilu sulinertik peqqutigalugu paasissutissat ilisimalersimasatik tunngavissaqanngitsumik ingerlatissinnaanngilaat imaluunniit tunniussinnaanngilaat.

Nipangiussimasussaataaneq pillugu malittarisassat aningaasarsiornermik suliaqarneq pillugu inatsimmi aalajangersagaapput.

Paasissutissanik ingerlatitseqqinneq

Ilinnik isumaqatigiissuteqarnerit eqquutsinniarlugit, soorlu aningaasanik allanut nuussisarnerit pillugit, paasissutissat ilinnut tunngasut ingerlateqqinneqartarput, illit kinaassutsivit uppennarsarnissaanut kiisalu isumaqatigiissutip piviusunngortinnissaanut pisariaqartunik.

Paasissutissanik ingerlatitseqqinneq pisinnaavoq, inatsisit malillugit imaluunniit eqqartuussivitsigut aalajangersimasat malillugit ilinnit akuersissummik pissarsineqarsimagaangat. Taamaattumik paasissutissat pisortani oqartussanut ingerlateqqinneqartarput inatsisitigut piumasaqaatit tunngavigalugit, soorlu assersuutigalugu akileraartarnermut oqartussanut paasissutissiinikkut.

Illit aningaaserivimmumut pisussaaffitit sumiginnarsimagukkit, malittarisassat tamakkununga atuuttut naapertorlugit taarsigassarsinnaanermut paasissutissiisarfirmumut aamma/imaluunniit mianersoqqusisarnernumut nalunaarsuiffinnut GrønlandsBANKENip nalunaarutigisinnaavaatit.

Illit akuersiteqqaarnak GrønlandsBANKENip suliffeqarfinnut allanut taarsigassarsisitsisarnernik imaluunniit attartortitsisarfinnik sammisaqartunut paasissutissanik ingerlatitseqqissinnaavoq, paasissutissat aarlerinaatilinnik nakkutilliinermut atorineqassagaangata. tamakkununga ilaallutik taarsigassarsinnaanermut naliliinerit aamma allaffissornikkut aqutsinerit.

Paasissutissat sullinneqarnermi pissutsinut tunngasut, soorlu ateq, najugaq aamma fortrykt CPR-/GER-/CVR-nr. suliffeqarfinnut allanut ingerlateqqinneqarsinnaapput siunnersuinerumut, allaffissiornermut aamma niuernerme siuarsaanermut atugassanik. Paasissutissanik pissarsisoq nipangiussimasussaataaneq pillugu inatsimmik aamma malitsisussaavoq. Suliffeqarfiit GrønlandsBANKENip suleqatigisaasa nalunaarsorsimaffiat immikkoortortatta arlaannut saaffiginninnikkut pissarsiarineqarsinnaapput.

Akuersisarneq

Qaqugukkulluunniit pitsaanerpaamik sullinnissat siunertaralugu, immikkoortortaq imaluunniit suliffeqarfik arlaalluunniit saaffiginerit apeqqutaatinnagu, GrønlandsBANKENip akuerseqqullutit qinnuigisinnaavaatit, paasissutissanik suliffeqarfinnut GrønlandsBANKENip suleqatigisaanut tamanut ingerlatsisisinnaaqqullugu. Tamanna soorunami nammineq aalajangerneqarsinnaavoq, ukiumullu ataasiartumik GrønlandsBANKENip nalunaarummi nassittassavaatit ilisimatitsissutigalugu paasissutissat suut ingerlateqqissanersut, ingerlatitseqqinnermi suut siunertaanersut, kiisalu illit pillutit paasissutissanik kikkut pissarsisinnaanersuut. Akuersissuteqarneq qaqugukkulluunniit allanngortinneqarsinnaavoq imaluunniit utertinneqarsinnaalluni.

Sullitat pillugit paasissutissat nalinginnaasut

Sullitat pillugit paasissutissat nalinginnaasut GrønlandsBANKENip ingerlateqqissinnaavai, sullitat inissisimaneramik immikkoortiterinermut tunngavissaasinnaasut, suliffeqarfinnut suliffeqarfinnit aningaasarsiornermik sammisaqartunit ataatsimoorullugit pigineqartunut. Imaattariaqarporli paasissutissanik ingerlatitsinerme GrønlandsBANKEN peqqutissaqartariaqarmat, illillu soqutigisannut assortuutinnigippata. Sullitat pillugit paasissutissat nalinginnaasut assersuutigalugu tassaapput ateq aamma najugaq.

Inuit pillugit paasissutissanik GrønlandsBANKENip suliarinninneranik paasiniaaneq

Illit pillutit paasissutissat suut GrønlandsBANKENip suliarisarnerai pillugit qaqugukkulluunniit paasiniasinnaavatit. Allakkatigut akissuteqarfigineqarnissat kissaatigigukku GrønlandsBANKEN sullissinermut akiliummik akileeqqusisinnaavoq.

GrønlandsBANKENip paasissutissaataani kukkunerit

Illit pillutit paasissutissat kukkuneqarsimasut GrønlandsBANKENip malugigunigit, imaluunniit paasissutissat pututsitsiniutaasut, paasissutissat ingerlaannartumik iluarsineqassapput imaluunniit piiarneqassallutik.

GrønlandsBANKENip paasissutissanik suliarinninnera pillugu maalaaruteqartarneq

Paasissutissanik inunnut tunngasunik il.il. GrønlandsBANKENip suliarinnittarnera pillugu iluarinngisaqaruit, GrønlandsBANKENimut maalaaruteqarsinnaavutit imaluunniit uunga; Datatilsynet, Borgergade 28, 5., 1300 København K.

3. Erniaat

Erniaatigut atugassarititaasut

Kontot uninngasuutinut taarsigassanullu tunngasut ataasiakkaat erniaavi nikerartuupput, allanik erseqqilluinnartumik isumaqatigiissusiortoqarsimangippat.

Erniaat nikerarnerat ima paasineqassaaq, erniaanut akigitit GrønlandsBANKENip allannortissinnaagai.

Erniaanut akigititanut apeqqutaavoq kontop suunera, taamallu erniaanut akigitit kontomut tamarmut atuunnersoq, kontomi qaqugukkulluunniit uninngasuutit apeqqutaasinnaallutik.

Erniaanut akigititaasut pillugit paasisaqarsinnaavutit, soorlu erniaat siammarsimanagerat, uninngasuutinut taarsigassarsianullu ataasiakkaanut tunngasut GrønlandsBANKENip sullissiviani allagartani nivinngarsimasuni imaluunniit aningaaseriviup nittartagaani; www.banken.gl imaluunniit aningaaserivimmi apeqquteqarnikkut.

Erniaat sullissinermilu akiliutit akiisa allannorneri

Allanik isumaqatigiissusiortoqarsimangippat, erniaatigut sullissinermilu akiliutit allannorartut siumut kalerriinertaqanngitsumik GrønlandsBANKENip allannortissinnaavai, allannuinerit ilinnut iluaqutaassappata.

Allatut isumaqatigiittoqarsimangippat, uninngasuutinut erniaat sullissinermilu akit allannorartut GrønlandsBANKENip millisinnaavai kiisalu taarsigassarsianut erniaat sullissinermilu akit allannorartut GrønlandsBANKENip allisinnaavai, siumut kalerriinertaqanngitsumik, ima pisoqarsimappat

- nunami immini nunanilu allani aningaasanut taarsigassarsinermullu politikkit allannortinneqarneri GrønlandsBANKENimut pingaaruteqarpata, erniaat qaffasissusiisa inissisimanagerat nalinginnaasoq sunniuteqarfigineqarnera peqqutigalugu,
- erniaat qaffasissusiisa inissisimanagerat nalinginnaasoq allanut allannoriarpat, soorlu aningaasanik obligationinillu niueqatigiinnermi GrønlandsBANKENimut pingaaruteqarpat, imaluunniit
- akileraarutit akitsuutillu allannorneri GrønlandsBANKENimut pingaaruteqarpata.

Allatut isumaqatigiittoqarsimangippat, uninngasuutinut erniaat sullissinermilu akit allannorartut GrønlandsBANKENip millisinnaavai kiisalu taarsigassarsianut erniaat sullissinermilu akit allannorartut GrønlandsBANKENip allisinnaavai, ullunik 14-inik siumut kallerreernikkut, ima pisoqarsimappat

- niueqatigiinnikkut pissutsit, tamakkununga ilaallutik unammilleqatigiinnermi imaluunniit aningaasarsiornermi pissutsit, kontomut ataatsimut arlalinnulluunniit allannuissamik peqqutissaqartitsippata,

- pissutsit, illit erniaatigut akiligassannut piumasaqaatit immikkut ittumik aalajangersarneqarnerannut tunngaviusut, allanngortinneqarpata, imaluunniit
- niueqatigiinnermik peqquteqartumik GrønlandsBANKENip erniaarititani akigititanilu nalinginnaasut allanngortippagit, erniaat inissisimani nalinginnaasut allanngortornerinut attuumassuteqanngikkaluartumik. Niueqatigiinnikkut peqqutaasut ilaatigut tassaasinnaapput GrønlandsBANKENip isumalluutiminik imaluunniit naammassisinnaasaminik siunertaqarnerusumik atornissaannut anguniagaqarluni imaluunniit aningaasarsiornerminik qaffatsitsinissani anguniarlugu.

Erniaatigut aamma sullissinermi akigititaasut allanngorartut allanngorneri pillugit allakkatigut ilisimatinneqassaasut imaluunniit tusagassiuutitigut ullormut saqqummersartutigut nalunaarutiginnikkut, tamanna pillugu paasissutissiinnermik malitseqassalluni, GrønlandsBANKENip nalunaarutiginninnerup kingorna kontop assilinerata siulliup (imaluunniit konto pillugu nalunaarsuut) nassiunneranut atatillugu.

Uningasuutit qaqugukkulluunniit taamaatinneqarsinnaasut erniaavisa aamma sullinneqarnermut akiliutit allanngorneri pillugu siumut kalerriinissaq ilinnut kalerriisarnemit sivikinneruppat, erniaat sullissinerillu akiisa allanngortinneqarnerisa atuutilernerisa kingorna ullut 14-it ingerlanerini uningasuutitit tamaasa tigusinnaavatit, piffissap ingerlanerani erniaat ilanngussuussimasussaagaluit ilanngaatigineqartinnagit.

4. Erniaanik naatsorsuineq aamma erniaat ilasarnerat

Immikkoortoq manna illit akiliisarnikkut kontorisanni atuutissanngilaq – takuuk akiliisarnermi sullinneqarneq pillugu ilassut.

Akiliisarnermut konto tassaavoq konto akiligassanik nuussisarnertit ingerlanneqarnissaannik siunertaqarluni pilersinneqarsimasoq. Assersuutigalugu akissarsiannut aamma missingersuutitut konto-t ilaatinneqassapput.

Ulloq suliffiusoq tassaavoq ulloq akiliisup imaluunniit akiliutininik tigusisup sullississua, akiliinermi nuussinermik isumaginninnermut peqataasoq, akiligassanik nuussinerup pivisunngortinneqarnissaanut piumasaqaataasut malillugit suliffimminik ammatitsiffia.

GrønlandsBANKENip malugeqqussavaa, Danmarkimi qarasaasiakkut sullissisumik toqqaasimagami, Danmarkip nalunaaqutaa malillugu suliaqartartoq, tamannalu erniaalersuinerni ullunut aamma erniaat amerlinerisa ulluinut sunniuteqarsinnaalluni.

Danmarkimi qarasaasiakkut sullissisumik toqqaaneq peqqutigalugu arlaatigut pisarissersuisoqaraluarpat GrønlandsBANKENip arlaatigulluunniit akisussaaffiginngilaa.

GrønlandsBANKEN ullut tamaasa kontonut ataasiakkaanut tamanut erniaanik ima iliornikkut naatsorsuisarpoq:

Uningasuutit x pappilianngorlugu erniaat/365(366)

Qaammatit tamarmik ulluisa amerlassuserpiaat malillugit naatsorsorneqartarput.

Uningasuutit ullormoortut naatsorsorneqaraangata kontot nikerarnerannut erniaanut ullugitinneqartut GrønlandsBANKENip aallaavigisarpai.

Ulloq erniaaliiffiusoq tassaavoq ulloq akiliinerup, tiguserup imaluunniit kontomi nikerarnerit allat kontomi erniaanik naatsorsuinermit sunniteqarfingilgaa.

Malittarisassat makku aallaavittut atuutsinneqarput:

GrønlandsBANKENimi kontonnut aningaasanngorlugu, Dankort , akiliiguit, akilereermermi ulloq erniaanik naatsorsuiffissaq.

Arfininngornerit, sapaatit sapaassuillu, ulloq inatsisitaarfik, Qilaliarfiup kingorna tallimanngorneq, juulliaraq aamma ukiutoqaaq ulluupput GrønlandsBANKENimi suliffiusanngitsut.

Aningaasanngorlugit, Dankor-iluunniit atorlugu GrønlandsBANKENimi kontonniit akiliineqartillugu, ulloq suliffiusoq tassaavoq ulloq erniaalersuiffiusoq.

Pisinarfinni Dankort-it atorsimagukku allagartaalu aningaaserivimmit tiguneqarpat ulloq taanna ernialersuinermit ulluutitaavoq.

GrønlandsBANKENimi nammineq kontoit akornanni aningaasanik nuussigaangavit, ulloq suliffiusoq tassaavoq kontonut marlunnut ulloq erniaalersuiffiuvoq.

Akissarsigaangavit, pisortanit aningaasanik pissarsigaangavit il.il. ulloq aningaasanik tigusiffiusinnaasoq tassaavoq ulloq erniaalersuiffiusoq.

Danmarkimi aningaaserivimmit kontomit aningaasanik nuussiffineqaraangavit ulloq erniaalersuiffiusoq tassaavoq ulloq aningaasanik nuussiffiusoq.

Malittarisassat siumut kalerriinertaqanngitsumik qaqugukkulluunniit GrønlandsBANKENimit allanngortinneqarsinnaapput.

Erniaalersuineq

Uningasuutitut GrønlandsBANKEN ukiumut ataasiartumik aallaavittut erniaanik ilassuteqartarpoq. Tamanna pisarpoq erniaatigut naatsorsuinerit ullormukkaartut katinnerisigut, aningaasallu katinneri tamakkerlugit illit kontonnut ikineqarlutik. Ulloq erniaanik ilanngussiffiusoq tassaavoq ulloq erniaalersuiffiusoq.

GrønlandsBANKENip taarsigassarsiat erniaalersortarpei qaammatikkaartumik, qaammatit pingasukkaartumik imaluunniit ukiup affakkaartumik. Ernialersuinermit ullut aalajangersimameri taarsigassarsinermit uppersaammi allassimavoq.

Erniaanik ilanngussuineq pisarpoq erniaatigut naatsorsuutit ullormukkaartut katinnerisigut, aningaasallu katinneri illit kontonniit ilanngaatalugit. Ulloq erniaanik ilanngussiffiusoq tassaavoq ulloq erniaalersuiffiusoq.

Erniaat ilaartorsimameri kontop assilinerani imaluunniit allatigut naatsorsuutini allassimasarput.

GrønlandsBANKEN aalajangersinnaavoq erniaat amerlassusii arlaatigut malillugit kontomut ilaartuutigineqassanngitsut / ilanngaatigineqassanngitsut.

5. Sullinneqarnermut akiliutit

GrønlandsBANKEN ilinnik sullissinermini akiliutinik akiliisitsisinnaavoq, soorlu nunanut allanut akiliutinik isumaginninnermut, naqitassanik takussutissanillu ujarlernernut, pappilissanik assiliinernut, sullitap immikkut sullinneqarneranut, allakkanik nukingisaarutinik nassiussinernut

kiisalu assersuutigalugu taarsigassarsiat allannortinnerinut. GrønlandsBANKEN taamattaaq pisortat oqartussaannit apeqqutinik akissuteqarnernut akiliisitsinnaavoq.

Sullinneqarnermut akiliutit sullinneqarneq tunngavigalugu aalajangersimasumik amerlassusilerlugit akiliutigeqquneqarsinnaapput imaluunniit sullinneqarnerup annertussusianut naleqqiullugu procentinngorlugu imaluunniit nalunaaquttap akunneranut akiliutitut. Naatsorsueriaatsit ataatsimoortillugit naatsorsorneqarsinnaapput.

Akiliutit nalinginnaasut akit allattorsimaffianni allassimapput, GrønlandsBANKENimi pissarsiarisinnaasat imaluunniit nittartakkakut www.banken.gl. Akiliutit allat apeqquteqarnikkut tunniunneqarsinnaapput.

Akiliutininik allannortitsinerit

Sullissinermi akiliutit GrønlandsBANKEN-ip siumut kalerreeqqaarnani qaqugukkulluunniit ikilissinnaavai.

Allanik isumaqatigiissusiortoqarsimangippat GrønlandsBANKEN qaammammik ataatsimik sioqqutsilluni kalerriinikkut akiliutit ingerlaavartut amerlissinnaavai, isumaqatigiissutinut pissutsinut atuuttuusut ilaattut, ima pisoqarpat

- niueqatigiinnikkut pissutsit, ilaatigut ilaallutik unammilleqatigiinnermi imaluunniit aningaasarsiornermi pissutsit, kontoqariaaseq ataaseq arlallilluunniit allannuginissamik peqqutissaqartitsippata
- illit pillutit sullinneqarnermi atugassarititaasut aalajangerneqarneranni tunngaviit immikkut iluarsineqarsimasut allanngorpata
- niueqatigiinnermik peqquteqartumik GrønlandsBANKENip akiliteqartitseriaatsiminik aamma akinik aalajangeeriaatsiminik ataatsimut isigalugit allannortitsippat. Niueqatigiinnikkut peqqutaasut ilaatigut tassaasinnaapput GrønlandsBANKEN isumalluutiminik imaluunniit naammassisinnaasaminik siunertaqarnerusumik atornissaannut anguniagaqarluni imaluunniit aningaasarsiornerminik qaffatsitsinissani anguniarlugu.

Allanik isumaqatigiissusiortoqarsimangippat GrønlandsBANKENip isumaqatigiissutini pioreersuni niueqatigiinnermik tunngaveqartumik sullissinermi akiliutininik atuutsitsilersinnaavoq, GrønlandsBANKENip siusinnerusukkut akiliisitsissutigisarsimangisaminik. Akiliutit qaammammik ataatsimik sioqqutsilluni kalerriinikkut atuutsinneqalersinnaapput.

Sullississutinik immikkut ittuni aamma isumaqatigiissutinut nutaanut ataatsimut isiginnilluni GrønlandsBANKEN siumut kalerreeqqaarnani qaqugukkulluunniit akiliutininik atuutsitsilersinnaavoq qaffaallunilu.

Akiliutit allanngorneri pillugit allakkatigut ilisimatinneqassaait imaluunniit tusagassiuutitigut ullormut saqqummersartutigut nalunaarutiginninnikkut.

6. Sippuinnermut erniaalersuineq nukingisaarinernilu akiliutit il.il.

Kontot sipporneqarpat, kinguaattoorpat imaluunniit isumaqatigiissutit unioqqutillugit atorneqarpat, GrønlandsBANKEN sippuinnermut erniaanik/akiliutininik akileeqqusisinnaavoq imaluunniit pillaatitut erniaanik, allakkanik nukingisaarutinik nassiussinernut akiliutininik, kiisalu akiliisitsiniarnerni il.il. inatsisilerituunik ikiorneqarnermut aningaasartuutitut akiliutininik akileeqqusisinnaalluni.

Nukingisaarinernut akiliutit amerlassusii GrønlandsBANKENip nukingisaarilluni allagaani allanneqarsimassapput. Sippuinermtut erniaat il.il. illit apeqquteqarnikkut ilisititsissutigineqassapput.

Sippuinermtut erniaat/sippuinermtut akiliut, aningaasatigut isumagisimasat ataatsimut isigalugit aarlerinaateqassusiat tunngavigalugu GrønlandsBANKENip naliliineratigut aalajangerneqassapput kiisalu unioqqutsitsilluni iliuserisimasat ataasiakkaat aalajangersimasat tunngavigalugit.

Aningaasatigut iliuserisimasat unioqqutitsisut allaffissornikut naatsorsuuserinikkullu erniaalersuineq unitsissallugu GrønlandsBANKEN qaqugukkulluunniit aalajangersinnaavoq. Taama erniaalersuijunnaarneq, ilinnik isumaqatigiisummik aallaaveqanngitsoq, GrønlandsBANKENip pissarsiasaminik erniaalersuinissaminik kiisalu aningaasartuutiminik kingusinnerusukkat amerlisussanik matussusiinissamut piumasaqarnissaminik taamaatitsineratut isumaqarfigineqassanngilaq. Tamanna atuuppoq, naatsorsueriaaseq atorineqartoq konto assilineratigut assigisaatigulluunniit ilinnut nalunaarutigineqaralarpat.

7. Akiliinerit aamma tigusinerit

Akiliisarnerni sillimaffiusartut

Aningaasat suulluunniit taarsigassarsianut imaluunniit akiitsorsinnaanermut ikineqarsimasut erniaanik aamma sullinreqarnermi akiliutinik matussutissatut atorineqaaqaartussaapput. Tamanna atuuppoq illit nammineerlutit akiliisimagalaruulluunniit imaluunniit akiliutit qularnaveeqqusiisumit aallaaveqaralarpataluunniit.

GrønlandsBANKENip tungaanit malunnaatilimmik kukkusoaqarsimaneratigut aningaasat illit kontonnut ikineqarsimasut GrønlandsBANKENip utertissavai, soorlu aningaasat taakkorpiat marloriartumik ikineqarsimappata.

Ikinerqarsimasunik atuineq

Aningaasat suulluunniit taarsigassarsianut imaluunniit akiitsorsinnaanermut ikineqarsimasut erniaanik aamma sullinreqarnermi akiliutinik matussutissatut atorineqaaqaartussaapput. Tamanna atuuppoq illit nammineerlutit akiliisimagalaruulluunniit imaluunniit akiliutit qularnaveeqqusiisumit aallaaveqaralarpataluunniit.

Akiliutigineqartut sinneri taarsigassarsiat naafferaarnerinut akiliutit tulluullugit atorineqassapput.

Akiliutinik naleqqussaanerit

Erniaat inissisimanerisa, sullissinermi akiliutit assigisaalluunniit qaffakkiartorneri ilutigalugit GrønlandsBANKEN akiliutinik qaffaanissaminut pisinnaatitaavoq – kisiannili tamanna pisussaaffiginagu.

Allaganngortitsinerit

Kontop assilineri pappilianngorlugu imaluunniit qarasaasiakkut tigugaangakku, ingerlaannartumik misissussavat, kontomi inississorneqarsimasut arlaat nammineq akuerisinnaanagit. Taamaattoqassappat ingerlaannartumik GrønlandsBANKEN attaveqarfigissavat.

GrønlandsBANKEN'ip naluaarsuiffiinit allaganngortitsineq qaqugukkulluunniit annertussutsit atorsinnaassusiinik uppenarsaatitut atuuttutut isigineqassapput.

8. Piumasaqaatinik atorunnaarsitsineq, killormut akiliuteqarneq allaganngortitsinerlu

Isumaqatigiisutini piumasaqaatinik allannuineq

Piumasaqaatinik immikkut ittunik isumaqatigiissuteqarfigineqarsimaguit, uppersarsaammi immikkoortumik immikkut ittumi allanneqarsimassapput.

Illit aamma GrønlandsBANKENip akornanni pisussaaffiit pillugit piumasaqaatinik aalajangersaaneqarsimappat, ilinnik niueqatigiinnerup katinnerani GrønlandsBANKENip pingaartittarpai.

Niueqatigiinnerup annertussusiinik, GrønlandsBANKENimik isumaqatigiissutaasimannngitsunik, allannortitsineqarpat, tamatumunnga ilutigitillugu GrønlandsBANKEN imminut pisinnaatippoq isumaqatigiissutinik piumasaqaatit allannortissinnaallugit.

Atorunnaarsitsienq

GrønlandsBANKEN aamma illit tunginnit qaqugukkulluunniit siumut kalerriineqartaqanngitsumik sullinneqarnermi attuumassutit taamaatinneqarsinnaapput.

Sullinneqarnermi attuumassutit unitsinneqarneranni qularnaveeqqusiinertut pisussaaffiit GrønlandsBANKENip atorunnaartissinnaavai, tamakkununnga ilaallutik nunat allat aningaasaataasa tungaannut pisussaaffiit, kiisalu pisussaaffinnik allanik ilinnik isumaqatigiissutaasimasunik pisussaajunnaartitsineq. Illit sinnerlutit pisussaaffiit isumaqatigiissutaasimasut tamaasa kiisalu pisariaqassappat tamakkununnga qularnaveeqqutaasimasut GrønlandsBANKENip pisussaajunnaartinnissaanut pisussaaffeqarputit.

Killormut akiliuteqarneq

GrønlandsBANKEN siumut nalunaaruteqaaqqaarnani ilinnit pissarsiassani suulluunniit akilerneqartussaasut pissarsiassani suniluunniit GrønlandsBANKENimi pissarsiassatit akilertissinnaavai, allanik GrønlandsBANKENimik isumaqatigiissusiortoqarsimangippat.

9. Aalajangersakkat allat

Pisinnaatitsissuteqartarneq

GrønlandsBANKENimut attuumassuteqarfitit illit sinnerlutit allanut isumagitittussanngorlugit allat pisinnaatitsissummik tunisinnaavatit. Pisinnaatitsissut allakkatigut tunniunneqassaaq, nalinginnaasumillu GrønlandsBANKENip pisinnaatitsissummik immersugassaataatigut tunniunneqassalluni. Pisinnaatitsissut atuutissaaq GrønlandsBANKEN ilinnit allakkatigut pisinnaatitsissummik unitsitsinerit pillugu imaluunniit allannguinerit pillugu allakkatigut nalunaarummik pissarsinissaata tungaanut.

Pisinnaatitsissummik tunniussisup toqunerani pisinnaatitsissut atorunnaarsinneqassaaq toqusimaneq pillugu GrønlandsBANKEN nalunaarummik pissarsippat. Tamatuma kingunerissavaa pisinnaatitsissummik tunniussisup kontoi il.il. matuneqarneri, toqusimasup pigisai qanoq iliorneqassanersut eqqartuussivimmit isummerfigineqareerpata. Tamanna aamma atuuppoq kontot ataatsimoorussaasut.

Oqarasuaatikkut oqaloqatigiinnermi immiussineq

Uagutsinnik oqarasuaatikkut oqaloqatigiinnernik aamma attaveqatigiinnernik allanik immiussisinnaanermik aamma/immaqa nalunaarsuisinnaanermik immitsinnut pisinnaatippugut. Tamanna pisarpoq oqaloqatigiinnerup/attaveqatigiinnerup imarisai uppersarsarniarlugit, ilagalugu allaffissornermi atorniarlugit. Immiussineq/nalunaarsuineq uagut kisitta atugassaraarput.

Oqaloqatigiinneq qinnuigineqarneq malillugu piffissami ukiut arfineq-marluk pissarsiarineqarsinnaassaaq.

Nunani allani niuernerit

GrønlandsBANKEN illit sinnerlutit nunami allami niuernerimik ingerlatsissaguni GrønlandsBANKENip niuernerimik attaveqarfissaaq toqqassavaa, allanik isumaqatigiissuteqartoqarsimangippat.

Aningaaseriviup atorreqarsimasup kukkussutigisimasai, kiisalu taassuma akiliisinnaassusianut tunngasut, GrønlandsBANKEN akisussaaffingilal.

Nunani allani pappilissanik nalilinnik GrønlandsBANKEN aqqutigalugu toqqortaateqaruit, nunami allami niuernikkut attaveqarfigisap kukkussutigisinnaasai kiisalu taassuma akiliisinnaassusianut tunngasut GrønlandsBANKENip akisussaaffigai, niuernikkut attaveqarfigisassaq illit nammineerlutit toqqarsimangikkukku.

Inatsisitigut malittarisassat, ileqqut aamma niueqatigiinnikkut piumasaqaatit nunani allani Kalaallit Nunaanni/Danmarkimi atuuttunit allaanerujussuusinnaapput. Nunani allani inatsisitigut malittarisassat, ileqqut imaluunniit niueqatigiinnikkut piumasaqaatit GrønlandsBANKENip malissappagit, tamanna aamma ilinnut atuutissaaq.

Nunat allat pilersuisuinit tunisassiat

Nunani allani pilersuisut tunisassiaannik GrønlandsBANKEN neqerooruteqarpat, assersuutigalugit kortit akiliutaasartut, soorlu Dankort/Visa aamma Mastercard, tunisassiat tamakku piumasaatitigit paasinneriaatsit immikkut ittunik malitassaqaartitsisinnaapput (assersuutigalugu taamaatitsinissamut kalerriisarneq inatsisitigut aalajangersakkat pillugit) kiisalu inatsisitigut malittarisassat, ileqqut aamma niueqatigiinnikkut piumasaqaatit nunani allani atuuttuusinnaasut.

Nunanut allanut aningaasanik nuussisarnerni amerikamiut oqartussaannit piumasaqaatit

Aningaasanik nunanut allanut nuussisagaangavit eqqumaffigissavat paasissutissanik amerikamiut oqartussaannut tunniussisoqarsinnaammat. SWIFT – akiliutinik nuussinernik isumaginnittartoq – peqquneqarsimavoq paasissutissanik tunniussisaqullugit, pinerlunnernut imaluunniit pinerliisunut aningaasalersuisoqarnerisooq pasitsaakkaangamikku, tak. amerikamiut inatsisaat.

Taarsiinissamut akisussaaffik

Kukkunerit peqqutigalugit imaluunniit sumiginnaanikkut pisussaaffinnik isumaqatigiissutigineqarsimasunik kingusinaartukku imaluunniit amigaateqartumik GrønlandsBANKEN eqquutsitsinissaminik piviusunngortitsisimangikkuni taarsiinissamut akisussaavoq.

Allaat sammisani, akisussaaffeqarnermut sakkortunernik malittarisassaqarfiusuni, annaasaqaatinut makkuninnga peqquteqartunut GrønlandsBANKEN akisussaaffeqanngilaq:

- IT-kut suleriaatsini ajutoornerni/iserfiginnissinnaannginnerni imaluunniit suleriaatsini taakkunani paasissutissat ajortissimanerini, ataani taaneqartunut peqquteqarsinnaappata, GrønlandsBANKEN nammineq imaluunniit avataanit sullissisut suleriaatsinik ingerlatsisuugaluarpataluunniit.
- GrønlandsBANKENip innaallagissamik pilersorneqarnerata ajutoornera imaluunniit attaveqatigiinnermi ajutoorneq, inatsisitigut akuliunnerit imaluunniit ingerlatsinikkut iliuuseqarfiginninnerit, pinngortitami ajutoorujussuarnerit, sorsunneq, pikitsitsineq, innuttaasut eqqissiviilliornerat, aseruinerit, pinerliinerit imaluunniit aserorterinerit (soorlu qarasaasiatigut ajoqusiinerit imaluunniit unioqqutitsilluni qarasaasianut iserfiginninnerit)
- suliumajunnaarnerit, suliffeqarfimmik mattussinerit imaluunniit suliffeqarfimmik assersuinerit, aaqqiagiinnginnerit GrønlandsBANKENimut tutsinneqaraluarpata imaluunniit aallartinneqaraluarpata, imaluunniit taassuma aqunneqarneranut, aaqqiagiinnginnerillu sunik peqquteqaraluarpataluunniit. Tamannattaq atuuppoq aaqqiagiinnginnerup GrønlandsBANKENip ilaannaaluunniit eqqorneqaraluarpat, pissutsit allat GrønlandsBANKENip aqussinnaanngisai peqqutaappata.

Ima pisoqartillugu GrønlandsBANKEN'ip akisussaaffeqarnera atuutissanngilaq:

- Pissutsit isumaqatigiissutip isumaqatigiissutigineqarnerani annaasaqarnissamut peqqutaasinnaasut GrønlandsBANKENip ilimagereersimasinnaappagit, imaluunniit annaasaqarnissamut peqqutaasinnaasut pinngitsoortissinnaasimagaluarpagit imaluunniit qaangersimasinnaagaluarpagit.
- qanorluunniit pisoqaraluarpat pissutsit annaasaqarnermut peqqutaasut inatsisit malillugit GrønlandsBANKENimut akisussaaffigitinneqartut.

Suliffeqarfinnut aningaasarsiornermik sammisaqartunut pitsaasumik ileqqulersorneq pillugu nalunaarut

Suliffeqarfinnut aningaasarsiornermik sammisaqartunut pitsaasumik ileqqulersorneq pillugu Namminersorlutik Oqartussat nalunaarummik saqqummiussaqaarsimapput. Pitsaasumik ileqqulersorneq pillugu nalunaarut Aningaasarsiornermik Nakkutilliisoqarfiup nittartagaani takusinnaavatit; www.finanstilsynet.dk, malittarisassat atuuttut uuma ataani atuarneqarsinnaallutik: "Regler og Praksis"/"Lovsamling"/"Grønland"/"Finansiel virksomhed".

GrønlandsBANKENip innersuussutigaa nalunaarut GrønlandsBANKENip sammisaqarneranut atuuttuusoq, pingaartumik sullitanut inuinnartut, aammali inuussutissarsiutilinnik sullitanut tunngasuni, pissutsit tamakku sullitanut inuinnarnut annertuumik allaassuteqanngippata. Immikkut innersuussutigineqarpoq, GrønlandsBANKEN pisut ilaanni sullissinermit akiliiffigineqartarmat allatigullu akiliutinik, suleqatigisat tunisassiaannut innersuussineqaraangat imaluunniit tunisisoqaraangat, soorlu taarsigassarsisitsiniartartunut attaveqartitsinikkut, aningaasalersuineranut uppersaatit sillimasiinernillu imaluunniit illunik/inissianik tuniniaasartunut innersuussisarnerni. GrønlandsBANKENip suleqatigisartagai pillugit paasissutissat GrønlandsBANKENip immikkoortortaani imaluunniit nittartakkami pissarsiarineqarsinnaapput.

Aningaasanik ikioraasunut aningaasalersuisunullu qularnaveequsiinermut Aningaasaateqarfik

GrønlandsBANKENimi sullinneqartut aningaasanik ikioraasunut aningaasalersuisunullu Qularnaveequsiinermut Aningaasaateqarfimmut inatsimmut Kalaallit Nunaannut atuuttumut ilaatigut qulakkeerinniffigineqassaatit, GrønlandsBANKEN akiliisinnaajunnaarnermit imaluunniit akilersuinerminik unitsitsinermit eqqorneqassappat.

Qularnaveequsiinermut Aningaasaateqarfiup ilaatigut matussuser tarpai aningaasaateqarfinni ateq atorlugu inississimasat. Kalaallit Nunaanni makku pillugit inatsisitigut naleqqussaasoqarsimanngilaq; Nanoq-konto, meeqqanut ileqqaakkat kiisalu utoqqalinersiuteqalern issamut ileqqaakkat, taamaammallu erseqqissaatigineqassaaq, kontot tamakku tamakkiisumik matussuserneqartuunngimmata, taamaattorli amerlanerpaaffissatut matussusiinissat katinernerinut ilaatinneqarlutik, tamannalu aningaasanik ikioraasunut aningaasalersuisunullu qularnaveequsiinermut aningaasaateqarfik pillugu inatsimmi Kalaallit Nunaannut qaqugukkulluunniit atuuttumi allassimavoq.

Qularnaveequsiinermut Aningaasaateqarfiup aamma illit aningaasalersuisutut annaasatit matussusissavai, aningaaserivippit pappilissat nalillit GrønlandsBANKEN-imit toqqortarineqartut, allaffissornikkut aqunneqartut imaluunniit ingerlanneqartut utertissinnaanngippagit. Aningaasaliisumut ataatsimut matussutissat amerlanerpaaffissaat pillugit aningaasanik ikioraasunut aningaasalersuisunullu qularnaveequsiinermut aningaasaateqarfik pillugu inatsimmi Kalaallit Nunaannut qaqugukkulluunniit atuuttumi allassimapput. Aningaasanik ikioraasunut aningaasalersuisunullu Qularnaveequsiinermut Aningaasaateqarfik quppersakkamik naqiterisitsinikuvoq, tassanilu annertunerusumik atuarsinnaavat qanoq annertutigisumik qularnaveeqquserneqarsimanersutit. Quppersagaq uani pissarsiarisinnaavat; www.garantifonden.dk

Attaveqarfissaq
GrønlandsBANKEN
Imaneq 33
Postboks 1033
3900 Nuuk
Telefon: 299 701234
Telefax: 299 347720
www.banken.gl
banken@banken.gl

Attaveqatigiinneq aamma GrønlandsBANKEN

Aningaaserivik paasisutissanik sunilluunniit qarasaasiakkut ilinnut nassiusisarnissaminut imminut pisinnaatippoq, soorlu netbank imaluunniit e-mail aqqutigalugu, naak GrønlandsBANKENip allagaataani, malittarisassaataani il.il. oqaatsit "allaganngorlugit", "allakkatigut", "konto-p assilinerata naqinneratigut" il.il. atorneqararluartut. Soorunami tamanna taamaallaat pisinnaavoq inatsisit atuuttut malillugit periarfissaqarpat, imaluunniit ilinnik isumaqatigiissuteqartoqarsimappat.

GrønlandsBANKEN aalajangersinnaavoq niueqatigiinnikkut oqaatsit atorneqartut danskisuujusussaasut, soorlu uppersaasatit allakkat ilaanni immikkut ittuni. Isumaqatigiinngittoqartillugu isumaqatigiissutip danskisut oqaasertalersorneqarnera isumasiuineranut tunngavigineqassaaq, isumaqatigiissummut kalaallisut oqaasertalersugaasumut salliutillugu.

Nakkutilliineq

GrønlandsBANKEN uuma ataani nakkutigineqarpoq

Finanstilsynet
Århusgade 110
2100 København Ø
Tlf. 33 55 82 82
www.finanstilsynet.dk

Taarsigassarsinernut akiitsorsinnaanernullu niuernikkut piumasaqaatit nalinginnaasut malittarisassallu immikkut ittut allannngortinneqarnerat

Taarsigassarsinernut akiitsorsinnaanernullu niuernikkut piumasaqaatit nalinginnaasut malittarisassallu immikkut ittut siumut kalerriutigeqqaarnagit allannngortinneqarsinnaapput, malittarisassallu nutaat siumut kalerriutiginaqit atuutsinneqalersinnaallutik.

Allannguutit pillugit allakkatigut imaluunniit tusagassiuutitigut ullormut saqqummersartukkut ilisimatinneqassaatit. Taamattaq piumasaqaatit GrønlandsBANKENip nittartagani takuneqarsinnaapput.

Niueqatigiinnikkut piumasaqaatit nalinginnaasut naqinneri nutaat

Niueqatigiinnikkut piumasaqaatit pigisatit annaassagukkit imaluunniit arlaannik peqquteqartumik naqitanik nutaanik pisariaqartitsiguit, GrønlandsBANKENip nittartagaani takusinnaavatit.

Atuutilernerat

Niueqatigiinnermi piumasaqaatit nalinginnaasut atuutilissapput 1. januar 2017 aallarnerfigalugu, taarsissallugillu niueqatigiinnermi piumasaqaatit nalinginnaasut siulii 1. januar 2010-imi atuutilersut. Piumasaqaatinut atuupput sullitanut tunngasut pioreersut siunissamilu sullitassanut.

GrønlandsBANKEN, 1. januar 2019

Niueqatigiinnikkut piunasaqaatinut nalinginnaasunut, suliffiutilinnut (akiliisarnermi sullissinerit) 01.01.2010 atuutilersussanut ilassutit

Akiliisarnermi sullissinerit ilassutit

Aallarniut

Ilassummi matumani pineqartut GrønlandsBANKENip akiliisarnermi sullissineranik atuinermit pisinnaatitaaffitit aamma pisussaaffitit. Assersuutigalugu makkuusinnaasut:

- Kontomut akiliutitut atortumut aningaasanik ikisineq,
- Kontomit akiliutitut atortumit aningaasanik tigusineq,
- Kontomut akiliutitut atortumut akiligassanik nuussinernik isumaginninneq, soorlu akiitsorsinnaanermut nuussinerit imaluunniit kortimut nuussinerit,
- Aningaasanik nuussinerit.

Ilassummi matumani oqariaatsit qitiutinneqartut tassaapput; akiliutinik nuussineq, akiliutitut konto, aamma ulloq suliffiusoq.

Akiliutinik nuussineq

Iliuutsit, akiliiniartumit imaluunniit akiliutinik tigusisussamit aallartinneqartut akiliinissaq, nuussinissaq imaluunniit aningaasanik tigusinissaq siunertaralugu, akiliisussap aamma akiliutinik tigusisussap akornanni saniatigut pisussaafeqarsinnaaneq eqqarsaatiginagit.

Akiliutitut konto

Akiliutitut konto, tassaasoq konto akiliutinik nuussinissanut isumaginninnissaq siunertaralugu pilersinneqarsimasoq. Assersuutigalugu ingerlatsinermit kontot tamakkununga ilaasinnaavoq.

Ulloq suliffiusoq

Ulloq suliffiusoq tassaavoq ulloq, akiliisussap imaluunniit akiliummik tigusisussap sullissisuata pineqartup, akiliinermik nuussinermik isumaginninnermut peqataasup, akiliinermik nuussinerup isumagineqarnissanut pisariaqartinneqartutut ammaffigisaa.

Akiliinermi sullissineq pillugu malittarisassat immikkut ittut

Akiliisarnermut sullinneqarnerit pillugit ilassutit saniatigut akiliisarnermi sullinneqarnermut GrønlandsBANKENip piunasaqaatai immikkut ittut atuupput. Assersuutigalugu tamakku tassaasinnaapput GrønlandsBANKENip Dankortit pillugit malittarisassai imaluunniit netbank pillugu isumaqatigiissutit.

Akiliutinik nuussinernik isumaginninneq

Akiliutinik nuussinissaq illit sinnerlutit GrønlandsBANKENip isumagissappagu makku nalunaarutigissavatit; nalunaarsuinermit normu aamma kontop normua kontomut aningaasanik ilanngaaffigisassamut attuumassuteqartoq.

Nunap iluani nuussinerni nalunaarutigissavatit nalunaarsuinermit normu aamma kontop normua kontomik piginnittup aningaasanik nuussiffigisassamut attuumassuteqartoq.

Nunat killeqarfii akimorlugit akiliutinik nuussinermit nalunaarutigissavatit IBAN-nr. aamma Swiftkode.

Akiliiffissatut kortit ataatsimoorussat atorlugit akiliinermi FI-kreditnummer nalunaarutigissavatit.

Akiliinissamut peqqusineq, kinaassutsimik uppernasaalluni kode paatsuugassaannngitsoq, akiliinissamut peqqusinermit tunniunneqarsimasoq malillugu isumagineqartoq, eqqortumik isumagineqarsimasutut GrønlandsBANKENip eqqortutut isumaqarfignaa.

Akiliinissamut peqqusinerit GrønlandsBANKENip isumaginissaanut piumasaqaat tassaavoq, aningaasat amerlassusii kontomi pineqartumi matussutissaqarneri.

Akiliinissamut peqqusineq

Assersuutigalugu akiliinissamut peqqusinerit periutsit makku arlaat atorlugu isumagisinnaavatit:

- GrønlandsBANKEN-imut nammineerlutit saaffiginninnikkut
- Netbank-it aqqutigalugu
- GrønlandsBANKEN-imut allakkani nassiussinikkut.

Akiliinissamut peqqusineq tiguneqarsimasutut isigineqassaaq ulloormi suliffiusumi akiliinissamut peqqusineq GrønlandsBANKEN'imit tiguneqarfiani.

Akiliinissamut peqqusineq, ullup suliffiusuup naammassilivinnerani tiguneqartoq, tiguneqarsimasutut isigineqassaaq ullormi suliffiusumi tulliuttumi, aatsaallu ullormi suliffiusumi tullermi ingerlateqqillugu isumagineqassalluni. Akiliinissamut peqqusinerit ullormi ataatsimi ingerlateqqillugit isumagineqartartussaasut tiguneqarnissaannut piffissaliussaq kingulleq pillugu GrønlandsBANKEN-imut saaffiginninnikkut erseqqinnerusumik paasisaqarfigninnaavat.

Akiliinissamut peqqusinernik unitsitsineq, itigartitsineq aamma utertitsineq

Akiliinissamut peqqusineq GrønlandsBANKENip tigoreernerani unitsinneqarsinnaannngilaq.

Taamaattorli akiliinissamut peqqussutit piffissami kingusinnerusukkut aatsaat isumagineqartussaasut unitsinneqarsinnaapput, kingusinnerpaamik ulloq isumaqatigiissutigineqartoq sioqullugu ullup suliffiusup naalernerani.

Akiliinissamut peqqusinerup unitsinneqarnissaa kissaatigigukku netbank aqqutigalugu pisinnaavoq imaluunniit GrønlandsBANKENimut saaffiginninnikkut. Unitsitsinermut sullinneqarnermi akiliutinik akileeqqusinissamut GrønlandsBANKEN pisinnaatippoq.

Kukkunerit piviusunik tunngaveqartut peqqutigalugit akiliinissamut peqqusinerit itigartinneqarpat, tamanna pillugu GrønlandsBANKENip ilisimatissavaatit, itigartitsinermut peqquataasut kiisalu kukkuneq itigartitsinermik kinguneqartitsisoq iluarsiniarlugu periusissat pillugit ilisimatissavaatit. Tamatumunnga atatillugu sullissinermi akiliutinik akileeqqusinissamut aningaaserivik pisinnaatippoq.

Kinaassutsimut uppernarsaatit paatsuugassaannngitsut kukkusuusut nalunaarutigisimallugit aningaasanik utertitsiniarluni misiliigaluarnermi sullissinermut akiliutinik akileeqqusinissamut GrønlandsBANKEN imminut pisinnaatippoq.

Utertitsinermut sullissinermit akiliutinik akileeqqusinissamut GrønlandsBANKEN imminut pisinnaatippoq.

Isumaginninnissamut piffissap sivilisunerpaaffissaa

Ullut suliffiusut pingasut ingerlasinnaasarpur piffissamit aningaasanik illit akiliinissamut konto-nit ilanngaatigineqareerneranni, akiliutinik tiguisussap aningaaseriviani kontoanut aningaasat ikineqarnissaasa tungaanut. Akiliinerli ullormi akiliinissamut GrønlandsBANKENimik isumaqateqarfigisimasanni tamatigut isumagineqassapput.

Pappilissat atorlugit akiliutinik nuussinerni isumaginninnissamut piffissaq ullut suliffiusut sisamat angullugit siviussuseqarsinnaapput. Assersuutigalugu tamakkununga ilaapput giro-kortit atorlugit akiliutit imaluunniit nunanut allanut nuussinissaq siunertaralugu immersugassat GrønlandsBANKEN-imi immersukkatit.

Tamanna aamma pisinnaavoq allakkatigut imaluunniit e-mail-ikkut GrønlandsBANKEN aningaasanik nuusseqqullugu qinnuigigukku.

Akiliutinut konto-nut aningaasanik nuussisoqarpat, aningaasat illit konto-nut ikinnginnerini aningaasanit nuunneqartunit nuussinermut atatillugu sullissinermut akiliutinik ilanngaannissamut GrønlandsBANKEN pisinnaatitaavoq,

Akiliutinik nuussinerit pillugit paasissutissiineq

Akiliutinut kontonnut aningaasanik akiliisoqarsimappat, akiliinerit pillugit paasissutissat ullut tamaasa netbank-imi takuneqarsinnaatinneqassapput. Tamatumani GrønlandsBANKEN sullissinermut akiliisitsinnaavoq.

Nunat allat aningaasaannik taarsiinerni nalingi pillugit paasissutissiineq

Nunat allat aningaasaannik taarsiinerni nalivii pillugit imaluunniit nalinginut najoqqutassat pillugit paasissutissanik pissarsinnaavutit, nunat allat aningaasaannik taarsiineq pisimappat, GrønlandsBANKEN-imi Market-imut immikkoortortaanut attaveqarfiginnikkut.

Nunat allat aningaasaannik taarsiinermi aningaasat nalingi aalajangersimasut siumut kalerriuteqaqqaarnani GrønlandsBANKEN allannguisinnaavoq.

Akiliutinik nuussinerit pillugit misissuineq

Konto-nni inissiisimanerit ingerlaavartumik misissortarnissaannut pisussaaffeqarputit. Misissuininni nuussinerit illit uppersaatinnut naapertuutinnigutit paasigukkit, imaluunniit isumagisimanagit isumaqarfigisatit paasigukkit, ingerlaannartumik GrønlandsBANKEN-imut saaffiginnissaatit.

Akuerineqanngitsumik akiliutinik nuussinerit

Akiliinissamut kontot atorlugu akiliineq arlallillunniit isumagineqarsimasut illit akuerisimanagit imaluunniit isumagisimanagit isumaqarfigisatit, akuerineqanngitsumik nuussinerit paasiniarlugit ingerlaannartumik GrønlandsBANKEN-imut saaffiginnissaatit. Piffissaatillugu saaffiginnissimanerit nalilersornerani kontonni inissiisimanerit ingerlaavartumik misissortarnissaannut pisussaaffiit pingaartinneqartutut isigineqassaaq. Qanorluunniit pisoqaraluarpat kontot atorlugu nuussinerit isumagineqarsimanerannit kingusinnerpaamik qaammatit marluk qaangiutinnginnerini GrønlandsBANKEN-imut saaffiginnissaatit.

Erniaanik naatsorsuineq aamma aningaasat atorsinnaalerfii

Akiliinissamut kontomut ikisinerni erniaanik naatsorsuineq

Akiliinissamut kontonnut aningaasanik ikisisoqarnerani ulloq erniaalersuiffiusoq tassaavoq ulloq suliffiusoq, aningaasat tigunerannit ulloq tullittooq.

Akiliinissamut kontomit tiguisinerni erniaanik naatsorsuineq

Akiliinissamut kontonnit aningaasanik tiguisoqarnerani ulloq erniaalersuiffiusoq tassaavoq ulloq suliffiusoq, aningaasat kontonnit ilanngaatigineqarfiat.

Aningaasat nuunneqartut atorsinnaalerfii

Aningaasat akiliinissamut illit kontonnut ikineqarniariarpata aningaasat atorsinnaalissavatit. Aningaasalli atorsinnaalersinnaangilatit ullormi suliffiunngitsumi.

Aningaasanngorlugit akiliutinik atuisinnaalerneq

Aningaasanngorlugit akiliinissamut kontonnut ikisisoqarnerani aningaasat piffissami tighunerisa kinguninngua atorsinnaanngortinneqassapput.

Sullissinermut akiliutit

Akiliisarnermi sullississutit atorneranut atatillugu GrønlandsBANKEN-ip sullissinermi akiliisitsissutigisartagaasa amerlassusii GrønlandsBANKEN-ip akinik allattorsimaffiani takuneqarsinnaapput.

Allannguutit

Ilassutip matuma akillu allattorsimaffiat tamatumunnga ilaasut siumut kalerriutigineqanngitsumik GrønlandsBANKEN allannguisinnaanermut imminut pisinnaatippoq. Allannguinerit pillugit ilinnut toqqaannartumik nalunaarutigineqassapput e-mail-ikkut, netbankikkut, tusagassiuutitigut ullormut saqqummersartukkut nalunaarutiginnikkut imaluunniit aningaaseriviup nittartagaa aqqutigalugu. Najukkat imaluunniit e-mailadresset allanngussagaluarpata GrønlandsBANKEN-imut nalunaarutiginnissai nammineq pisussaaffigaat, taamaalillunilu e-mail-ip imaluunniit najukkavit allanngortineri pillugit nalunaarutiginnissimanninnerit peqqutigalugu allannguutit pillugit nalunaarummik pissarsisimangikkuit nammineerlutit akisussaaffigissallugu.

Atorunnaasitsineq

Akiliisarnermi sullississutit atorneri pillugit isumaqatigiissutit taamaatinnessaat kissaatigigukku allakkatigut tamanna pissaaq, qaammammillu ataatsimik sioqqutsisumik kalerreereernikkut.

Akiliisarnermi sullississutit pillugit ilinnik isumaqatigiisutit qaammammik ataatsimik sioqqutsilluni kalerreereernikkut GrønlandsBANKEN-ip atorunnaarsissinnaavai.